

[*en marge*] Parochialis Assumptionis beatae Virginis Palaschae

Die 28 iunii 1686.

Praefatus dominus visitator (etc.) visitavit ecclesiam parochialem sub invocatione sanctae Mariae virginis Assumptae de Palascha, cuius ad praesens est rector admodum reverendus dominus Ioannes Cesar de Niccolais, quam assequutus fuit quatordecim circiter abhinc annis ex gratia in curia romana, ut ex bullis collationis Romae expeditis apparet (etc.), percipiens in annuo reddito libras tercentum circiter monetae genuensis, consistentes in primitiis et oblationibus et in aliquibus proventibus bonorum stabilium dictae ecclesiae.

Visitavit sanctissimum sacramentum, quod invenit asservari in pyxide ex auricalco in totum deaurata, conopaeo rubei coloris instructa, et est elegantissimae formae, inservit pro adoratione et communionibus generalibus, et aliquibus additis cum [330r] vitro inservit etiam pro ostensorio in expositione et asportatione sanctissimi.

Visitavit aliam pyxidem parvam pariter ex auricalco cum cuppa argentea in totum deaurata et instructa, conopaeo albi coloris cum cruce in eius summitate, et est ad formam, inservit pro asportando sanctissimo viatico ad infirmos.

Vidit baldachinum sericum rubei coloris, quod inservit pro deferendo sanctissimo et est ad formam, sicut etiam vidit umbellam ad formam pro eodem effectum, mandavit tamen in eius summitate apponi crucem.

Pluviale sericum rubei coloris, velum humerale pariter sericum cerulei coloris, turribulum ex auricalco cum eius navicula, lanternae magnae pro asportando viatico, ad formam.

Lampas ante ipsum sanctissimum sacramentum pendet continuo, ardens ex impensis communitatis, quae etiam providet de cereis pro deferendo sanctissimo.

Dictum sanctissimum sacramentum asservatur ad altare maius in tabernaculo ligneo in totum deaurato, conopeis diversi coloris secundum tempora instructo, munito serica secreta et clave quae est ad formam, cum imagine Redemptoris in summitate.

Visitavit fontem baptismalem, cuius vas est marmoreum, cyborium vero ligneum, tolerabiliter ad formam, serica secreta et clave munitum quae detinetur paenes dominum rectorem, provisum etiam cochleari argenteo pro aqua suscipienda, mandavit tamen provideri de conopaeo et etiam cruce in eius summitate, sicut etiam mandavit supra ipsum appendi umbellam seu baldachinum et in eo apponi imaginem sancti Ioannis Baptistae baptizantis Christum, infra sex

menses. In eodem fonte invenit asservari vasa argentea oleorum chrismatis et cathecumenorum, et sunt ad formam, et quia invenit in eodem asservari oleum infirmorum in vase argenteo cum bursa serica, [330v] ideo mandavit in posterum debere asservari in quadam fenestrula conficienda in pariete prope altare maius in cornu evangelii vel epistolae, quae debeat ostiolo muniri cum ser<r>a secreta et clave quae detineatur paenes dominum rectorem, et panno violacei coloris intus vestiatur et foris inscribatur litteris maiusculis *Oleum infirmorum*.

Doctrina christiana docetur singulis diebus dominicis per dominum rectorem a prandio, et populus repertus est satis instructus.

Nuptiae benedicuntur ad formam missalis romani, et ideo laudavit.

Visitavit altare maius, quod manuteneretur a communitate, nullum habens redditum nec onus nec ulla gaudens indulgentia. Est sufficienter provisum de necessariis ad celebrationem missae et supra ipsum adest ornamentum columnarum varie ex calce sculptarum in ficto porfido varie coloratarum, et est elegantissimae formae. Mandavit tamen in aliqua parte readaptari bradellam [sic] infra mensem. Coram dicto altari dictum fuit antiquitus fuisse aliquam societatem erectam sub invocatione Corporis Christi, sed tractu temporis collapsam fuisse, ideo hortatus est ut procuraretur de novo erigi et ad primam formam reduci. De candelis pro missis celebrandis providetur a communitate.

Visitavit altare sub invocatione beatae Virginis de Carmine, quod manuteneretur a dominis haeredibus olim domini Nuntii Malaspinæ eius fundatoris. Dictum altare habet redditum annu[u]m librarum quinquaginta duarum monetae Genuae, provenientium ex sorte principali cuiusdam census legati ab eodem patrono pro missis centum et quatuor celebrandis annuatim in dicto altari per capellanum eligendum amovibiliter a dominis patronis usque in perpetuum, qui ad praesens est reverendus dominus Ursatellus a Palascha, electus et deputatus ab eisdem dominis patronis; dictum etiam fuit fuisse legatum alium annuum redditum pro duabus missis per haebdomadam [331r] celebrandis usque in perpetuum, unum factum a domina Placidia et alterum a domina quondam Camilla de eodem loco Palaschae, haeredibus et successoribus eiusdem praenunciati domini fundatoris.

Dictum altare est provisum de icone cum ornamento columnarum sub ficto porfido sculptarum et etiam de reliquis requisitis ad celebrationem missae ad formam, et suppellectilia sacra eiusdem altaris preter calicem asservantur apud eosdem patronos.

Visitavit altare sub invocatione santissimi Rosarii manutentum a dominis haeredibus

quondam domini Divicorsi eius fundatoris, et habet redditum annuum pro tribus missis celebrandis per haebdomadam, qui celebrantur per reverendum dominum Michaellem Angelum de Simone Petris eiusdem loci, electum et deputatum a domino Michele a Palascha patrono eiusdem altaris, et etiam dominus Nicolaus pariter patronus suppeditat redditus pro totidem missis celebrandis eodem modo quo supra.

Dictum altare est satis provisum de necessariis ad celebrationem missae praeter calicem et missale, et supra dictum altare adest ornamentum columnarum ex calce sculptarum ficti porfidi.

Visitavit altare sub invocatione sancti Antonii abbatis, quod manutentur a dominis heredibus olim Ursi Matthaei; habet etiam ipsum altare annu[u]m redditum pro duabus missis celebrandis per haebdomadam annuatim, quae praesenti celebrantur a reverendo domino patre Philippo ordinis Servorum priore conventus sanctae Mariae de Belgoderio. Dictum altare est tolerabiliter provisum de requisitis ad celebrationem missae et etiam ornatum quibusdam columnis sculptis vel confectis ex calce sub forma ficti porfidi, sed eius icon est lacera, et ideo mandavit eam readaptari saltem infra annum.

Visitavit altare cum eius capella cancellis ligneis clausa sub invocatione Spiritus Sancti, et manutentur a dominis [heredibus?] quondam Petri de Palascha eius fundatoris, habet annu[u]m [redditum] [331v] librarum septuaginta monetae Genuae, provenientium ex sorte principali census legati a praedicto domino patrono pro duabus missis celebrandis per haebdomadam usque in perpetuum per capellanum amovibiliter eligendum ab haeredibus dicti loci [sic]. Dictum altare est provisum de icone antiqua praetiosissimae formae et etiam de requisitis ad celebrationem missae. Suppellectilia sacra eiusdem altaris reservantur [sic] in quadam capsula munita ser<r>a secreta et clave quae detinetur paenes dominum capellanum.

Visitavit altare cum eius capella sub invocatione Corporis Christi, quod manutentur a dominis heredibus olim domini Petrosi, cum onere trium missarum per haebdomadam celebrandarum usque in perpetuum, sed adhuc nullus assignatus est capellanus. Dictum altare est provisum de icone et de caeteris requisitis ad celebrationem missae, et coram eo adest monumentum sepulchrale pariter manutentum a dictis patronis.

Visitavit altare cum eius capella cancellis ligneis clausa sub titulo Purgatorii, et manutentur a communitate absque ullo reddito et onere, et est provisum de icone et de reliquis necessariis ad celebrationem missae, et coram eo adest tumulus manutentum a dictis patronis.

Visitavit suppelectilia sacra et invenit abundantia et praetiosa, et asservantur in scamno munito ser<r>a secreta et clave quae detinetur paenes dominum parochum, quod scamnum stat a

tergo altaris maioris in choro.

Visitavit sedem confessionalem ad formam et mandavit in ea apponi summarium bullae Coenae. Corpus ecclesiae est ad formam, sicut etiam eius fores sunt [ad formam], munitae clave quae detinetur paenes parochum. Vidit etiam pulpitum, in quo solet concio haberi per parochum et alios concionatores saepissime.

In dicta ecclesia reperiuntur tria monumenta sepulchralia absque enunciatis manuenta a communitate, unum pro <pro> viris, alterum [pro] mulieribus et alterum pro [332r] parvulis sepeliendis. In dicta ecclesia solet recitari ter per haebdomadam rosarium beatae Virginis, sed ibi non est erecta societas.

Adest autem alia societas mulierum auctoritate ordinarii erecta sub invocatione beatae Virginis, et gubernatur a domino rectore sub quibusdam regulis <et> ab ordinario approbatis, et dictae mulieres habent prioram, paenes quem (*lire* quam) asservatur massa pecuniaria constituta ex contributionibus annuis certis dictarum sororum, de qua solent subvenire sororibus defunctis de libris sex cerae pro earum sepulchralibus exequiis. Dicta priora renovatur singulis annis, rationem reddens suae administrationis coram parcho et sororibus.

[*en marge*] Oratorium beatae virginis Annunciatae

Visitavit oratorium situm prope dictam ecclesiam parochialem sub invocatione beatae virginis Annunciatae, et manutenetur a confraternitate laicali ibi erecta auctoritate ordinarii sub quibusdam capitulis ab eodem approbatis, et dicti confratres habent suos officiales, cuius caput dicitur prior, et de semestre in semestre renovantur et computa tunc temporis coram parcho et confraternitate redduntur; et habent massam pecuniariam constitutam ex certis contributionibus annuis dictorum fratrum, de qua solent subvenire confratribus defunctis de duodecim libris cerae et etiam de tribus missis in eorum depositione et solent etiam processionaliter cum suis cappis albis associare confratres sepeliendos.

Visitavit altare manumentum a communitate, provisum de icone cum ornamento columnarum ad formam et etiam de caeteris requisitis ad celebrationem missae quae in eo solet celebrari bis per haebdomadam per quemdam capellanum electum ab eadem communitate confraternitatis.

Suppellectilia sacra asservantur in quodam scamno munito ser<r>a secreta et clave quae detinetur paenes capellanum, qui ad praesens est dominus Ursatellus a Palascha, et sunt ut plurimum serica.

Corpus oratorii est dealbatum et ad formam et [332v] scamnis ligneis circum circa septum, sicut etiam eius fores sunt ad formam, munitae ser<r>a secreta et clave quae detinetur paenes massarium.

Adsunt quatuor reverendi, scilicet presbiter Michael Angelus, presbiter Ursatellus a Palascha, Ioannes Iucidellus [*sic*] a Palascha, p(resbiter) Carolus Antonius de Monte, celicus [pour clericus] Andreas Aldobrandus, et omnes prout dominus rector et alii attestati fuere sunt bonae vitae et famae, incedentes habitu et tonsura, et inserviunt ecclesiae.

Adsunt etiam duae sorores tertiariae sub regula sancti Francisci, inhabitantes autem in suis propriis domibus, sunt bonae vitae et famae et inserviunt ecclesiae.

Visitavit aedes cano[ni]cales propinquas ecclesiae parochiali, ita ut gaudent immunitate ecclesiastica, et sunt sufficientes.

Visitavit libros parochiales et mandavit omnino servari formam ritualis romani, sicut etiam mandavit confici librum de statu animarum, quas dictum fuit esse bis centum et qui[n]quaginta circiter, ex quibus communicantur centum octuaginta circiter, et omnes [paruerunt] praecepto ecclesiae, et ut certo certius sciatur an omnes communicaverint, ideo mandavit distribui schedulas singulis et eas priusquam terminetur tempus paschale recolligi.

[*en marge*] Parochialis antiquitus sancti Martini

Visitavit ecclesiam sub invocatione sancti Martini, quae antiquitus erat ecclesia parochialis, sed modo pro maiori commoditate populi parochia translata est ad ecclesiam sanctae Mariae praedictam, et in hac ecclesia reperitur unicum altare nudum et expoliatum, sed in eo solet aliquando celebrari, et dictum fuit tunc temporis asportari ex ecclesia parochiali suppellectilia sacra necessaria ad celebrationem missae. Corpus ecclesiae est ad formam et fores sunt munitae clave quae detinetur paenes parochum.

[333r] [*en marge*] Oratorium campestre sancti Sebastiani

Visitavit etiam oratorium campestre situm intra limites parochiae sanctae Mariae, et est sub titulo sancti Sebastiani, manutentum a communitate, et in eo vidit unicum altare, provisum de necessariis ad celebrationem missae quae saepe solet celebrari absque ullo reddito et onere. Corpus oratorii est dealbatum et ad formam; fores eiusdem sunt munitae clave quae detinetur paenes parochum.